

ՀՀ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ ՆԱԽԱՐԱՐՈՒԹՅՈՒՆ

Պատմության օլիմպիադայի հանրապետական փուլ (2020-2021 ուստարի)

12-րդ դասարան (տևողությունը՝ 180 րոպե)

ա) Հայոց պատմություն (20 միավոր)

1. Ե՞րբ է վերջին անգամ հիշատակվում Հայասա պետությունը. 0,5 մ.
 ա/ Ք.ա. XIII դ. սկիզբ բ/ Ք.ա. XIII դ. վերջ գ/ Ք.ա. XIV դ. վերջ դ/ Ք.ա. XII դ. սկիզբ
2. Որքա՞ն էր Ռուսայի ջրանցքի երկարությունը. 0,5 մ.
 ա/ 24 կմ բ/ 72 կմ գ/ 25 կմ դ/ 70 կմ
3. Ո՞ր թվականին է Փոքր Հայքը ռազմակալվել Պոնտոսի կողմից. 0,5 մ.
 ա/ Ք.ա. 111 թ. բ/ Ք.ա. 112 թ. գ/ Ք.ա. 110 թ. դ/ Ք.ա. 94 թ.
4. Ո՞ր թվականին է թագավոր հռչակվել Անտիոքոս I-ը. 0,5 մ.
 ա/ Ք.ա. 70 թ. բ/ Ք.ա. 71 թ. գ/ Ք.ա. 72 թ. դ/ Ք.ա. 74 թ.
5. Այրարատ նահանգի ո՞ր գավառում էր գտնվում Ձիրավի դաշտը. 0,5 մ.
 ա/ Բասեն բ/ Բագրևանդ գ/ Ծաղկոտն դ/ Կոզովիտ
6. Ե՞րբ է գումարվել Շահապիվանի եկեղեցական ժողովը. 0,5 մ.
 ա/ 441 թ. բ/ 444 թ. գ/ 443 թ. դ/ 447 թ.
7. Քանի՞ գավառների է բաժանվել Երևանի նահանգը 1874 թ. օրենքով. 0,5 մ.
 ա/ 6 բ/ 7 գ/ 8 դ/ 5
8. Ե՞րբ է բացվել Հայոց համազգային շարժման առաջին համագումարը. 0,5 մ.
 ա/ 1989 թ. նոյեմբերի 28 բ/ 1989 թ. մայիսի 25 գ/ 1989 թ. հունվարի 11 դ/ 1989 թ. նոյեմբերի 4
9. Ո՞ր երկրամասն է Արտաշես I-ը վերադարձրել Մեծ Հայքին Սելևկյանների դեմ պայքարի արդյունքում: 0,5 մ.
10. Ո՞ր թվականին է հայկական բանակը գրավել Եգիպտոսին սահմանակից Պտղոմայիս քաղաքը: 0,5 մ.
11. Ե՞րբ է կառուցվել Ս. Հռիփսիմեի տաճարը: 0,5 մ.
12. Ո՞ր թվականին է Յակով Զարոբյանն ընտրվել ՀԿԿ կենտկոմի առաջին քարտուղար: 0,5 մ.
13. Դասավորե՛ք ժամանակագրական ճիշտ հաջորդականությամբ. 1 մ. (1 սխալի դեպքում՝ 0 մ.)
 ա/ Շրջանառության մեջ մտավ գյուղմիասինարկը
 բ/ Հայաստանի տնտեսությունը հասավ նախապատերազմյան՝ 1913 թ. մակարդակին
 գ/ Հայաստանի գավառային բաժանումը վերացվեց և ստեղծվեցին 25 շրջաններ
 դ/ Էջմիածնում խեղդամահ արվեց կաթողիկոս Խորեն Մուրադբեգյանը
 ե/ Հատուկ որոշումով արգելվեց եկեղեցու կողմից Հայոց եղեռնի օրվա՝ ապրիլի 24-ի նշումը
 զ/ Ստեղծվեց Հայաստանի օգնության կոմիտեն (ՀՕԿ)
 է/ Հովհաննես Ադամյանը աշխարհում առաջինը ստեղծեց և Երևանում ցուցադրեց եռագույն հեռուստատեսության և լուսահեռագրության սարքը
 ը/ Ա. Թամանյանը կազմեց Երևանի գլխավոր հատակագիծը
 թ/ Կազմակերպվեց Հայաստանի կերպարվեստի թանգարանը
 ժ/ Գաբրիել Սունդուկյանի «Պեպո» պիեսի բեմադրությամբ բացվեց հանրապետության առաջին պետական դրամատիկական թատրոնը
14. Կազմե՛ք համապատասխան զույգեր. 1,5 մ. (6 X 0,25 մ.)
 1. Աղբյուր Սերոբ
 2. Հրայր (Արմենակ Ղազարյան)
 3. Գևորգ Չավուշ
 4. Անդրանիկ Օզանյան
 5. Գրգո (Գրիգոր Մոսեյան)
 6. Արաբո
 ա. Ահարոնք բ. Մկրենք գ. Կոռթեր
 դ. Շենիկ ե. Շապին Կարահիսար զ. Սոխորդ
15. Տրված տարբերակներից ընտրե՛ք 3 ճիշտ պնդումները: 1,5 մ. (3 X 0,5 մ.)
 ա/ Մեզոլիթյան դարաշրջանում տոհմական համայնքները անցում կատարեցին արտադրող տնտեսության:
 բ/ Իշպուինին արձանագրեց առաջին խոշոր հաջողությունները Ք.ա. 810-ական թթ. կեսերին՝ Ուրմիո լճի ավազանի հարավում ընդլայնելով թագավորությունը և ներառելով Արդինի-Մուսասիր երկիրը:
 գ/ Կյուրոս II Մեծը զոհվել է 525 թ.:
 դ/ Երվանդ II-ի մասին վերջին տեղեկությունները վերաբերում են Ք.ա. 360-ական թթ.:

1	2	3	4	5	6	7	8	9	10

1	2	3	4	5	6

ե/ 181-179 թթ. պատերազմ բռնկվեց Փոքր Ասիայում՝ մի կողմից Պոնտոսի ու Փոքր Հայքի, իսկ մյուս կողմից՝ Կապադովկիայի, Բյուզանդիայի ու նրանց դաշնակիցների միջև:

զ/ Ք.ա. 87 թ. Միհրդատ II-ը ստիպված էր հաշտություն խնդրել Տիգրան II-ից:

է/ Համազասպ Մամիկոնյանը Սահակ Պարթևի դստեր՝ Խոսրովանույշի ամուսինն էր:

ը/ Ամբողջ Անդրկովկասից 1949 թ. հիմնականում Ալթայի երկրամաս է արքորվել մոտ 15500 հայ:

թ/ 1979 թ. ՀԽՍՀ-ում մտցվել է ութամյա պարտադիր կրթություն:

ժ/ Մոնթե Մելքոնյանը (Ավո) ծնվել է 1957 թ. Վայսելիայում՝ Ֆրեզնոյի մոտ (Կալիֆոռնիա, ԱՄՆ):

1	2	3

16. Ընտրե՛ք տերմինների 2 ճիշտ բացատրությունները:

1 մ. (2 X 0,5 մ.)

ա/ Նախապատմական ժամանակներում ներկայիս ժողովուրդների նախնիները կազմել են մեծ ընտանիքներ, որոնց գիտնականները կոչում են «մայր ժողովուրդներ»:

բ/ Ըստ խեթական աղբյուրների Հայկական լեռնաշխարհը լուսնի հանգրվանն էր:

գ/ Հայկական լեռնաշխարհի բարձր դիրքը ռազմավարական առումով խոցելի է դարձրել այն:

դ/ Ըստ «Որոգայթ փառացի» «Հայոց տունը» լինելու էր ապագա Հայաստանի գործադիր իշխանությունը:

ե/ Էրզրումի նահանգի փաշան համատեղում էր կայսրության հարավային մարզերի զորքերի հրամանատարի՝ սերասկյարի պաշտոնը:

զ/ 1920-ական թթ. կազմակերպվեցին կոմունաներ, որոնք այլ կերպ կոչվում էին սովխոզներ:

է/ 1830-1840-ական թթ. Օսմանյան կայսրությունում գյուղացիներից գանձվող գլխավոր հարկը աշարն էր:

ը/ Օսմանյան կայսրությունում հողագուրկ գյուղացիները՝ մարաբաները իրավունք ունեին աշխատել միայն վակուֆային հողերում:

1	2

17. Տրված տարբերակներից ընտրե՛ք 3 սխալ պնդումները:

1,5 մ. (3 X 0,5 մ.)

ա/ Միջին քարի դարում հասարակության մեջ մեծանում է ընտանիքի դերը:

բ/ 1961 թ. Սփյուռքում լույս էր տեսնում 134 անուն պարբերական, որից 16-ը՝ օրաթերթ:

գ/ Ք.ա. 715 թ. աշնանը հյուսիսից անակնկալ հայտնվեցին քոչվոր կիմերների ցեղերը՝ ասպատակելով Վանի թագավորության տարածքները:

դ/ Քրիստոնեության ընդունումից առաջ հայալեզու նշանագրերի կիրառության մասին է վկայում հույն պատմիչ Փիլոստրատոսը (I-II դդ.):

ե/ Գաբրիել վարդապետ Այվազովսկին հրատարակում էր «Մասյաց Աղավնի» պարբերականը:

զ/ 1991 թ. գարնանը Ադրբեջանի իշխանությունները, խորհրդային բանակի հետ համագործակցելով, մշակեցին «Կոլցո» («Օղակ») ռազմական գործողության ծրագիրը:

է/ 804 թ. Աշոտ Մսակերը խալիֆայության կողմից պաշտոնապես ճանաչվեց հայոց իշխանաց իշխան, իսկ նրա եղբայր Շապուհը նշանակվեց սպարապետ:

ը/ XVII դարի սկզբին օսմանյան արքունիքում սկսվել էին երկպառակություններ:

թ/ 1947 թ. ապրիլի 30-ից մայիսի 4-ը Նյու Յորքում կայացած Հայկական համաշխարհային կոնգրեսին մասնակցում էին 22 երկրների 715 պատգամավորներ:

ժ/ «Նաիրի» երկրանունն առաջին անգամ հիշատակված է Ք.ա. XIII դ. առաջին կեսին Ասորեստանի Սալմանասար I թագավորի կողմից:

1	2	3

18. Գտե՛ք և ուղղե՛ք սխալը.

1 մ.

Մայիսի 18-ին կնքված անգլո-թուրքական գաղտնի համաձայնագրով Մեծ Բրիտանիան Թուրքիայից ստացավ Կիպրոս կղզին՝ փոխարենը խոստանալով պաշտպանել թուրքական պահանջները:

19. Կարդացե՛ք հայ և վրաց զորքերի՝ Գանձակի մոտ հանդիպման մասին սկզբնաղբյուրից մեջբերումը և պատասխանե՛ք հարցերին.

1,5 մ. (3 X 0,5 մ.)

... Կարգավորելով ամեն ինչ, վերցնելով մոտ քառասուն հազար ընդիր սպառազեն ռազմիկ, որոնց հետ նաև քահանաների դասն ու մեր սպասավորներին, մեծ ճոխությամբ ու խնջույքներով հայոց իշխանությունը վերականգնված համարելով՝ գնացինք և իջևանեցինք Գանձակ քաղաքի մոտ՝ Չոլակ կոչվող վայրում: Վախթանգ թագավորը ևս իջևանել էր քաղաքի այն կողմում... Մենք գնացինք, և նրա բանակին մոտենալու պահին իր զորքերին հրամայեց ընդառաջ գալ մերայիններին... Հրացանների ձայնից որոտում և թնդում էր այն վայրը, և նրա փոշեխառն ծուխը, ինչպես կայծակնափայլ ամպ, ծածկում էր արեգակի ճառագայթները, որ մինչև անգամ հագիվ էին իրար տեսնում... Վախթանգը... մեզ և հրամանադատ կարգված սրբաներին ու

մելիքներին... քաջալերեց. «Այսուհետև զորացե՛ք և քա՛ջ եղե՛ք՝ որպես քաջարի զավակներ, և ոչ ոքից ու ոչնչից մի՛ երկնչեք, որովհետև ահա հասել է քրիստոնյաների փրկության ժամանակը»:

ա. Ո՞վ է այս տեքստի հեղինակը:

բ. Ո՞ւմ (անունը) զորքերի ժամանման էին սպասում հայկական և վրացական զորքերը:

գ. Չոլակի մոտից ո՞ր երկրամաս են շարժվել հայկական զորքերը:

20. Լրացրե՛ք տեքստում բաց թողնված հատվածները.

1,5 մ. (3 X 0,5 մ.)

Միջագետքյան դյուցազնավեպում անմահություն փնտրող հերոս ...-ը (1) բռնում է «ճանապարհը դեպի Արարտրա», գնում ...-ի (2) հոսանքն ի վեր և ճանապարհին հաղթահարում ... (3) լեռները:

21. Տրամաբանական խնդիր. Եթե Հայկական լեռնաշխարհում հնագիտական պեղումներից գտնված իրը 6800 տարեկան է, նախնադարի կոնկրետ ո՞ր պարբերափուլի (ժամանակաշրջանի) ընթացքում է ստեղծվել: 1 մ.

22. Աշխատանք Մեծ Հայքի ուրվագծային քարտեզի հետ.

1 մ. (2 X 0,5 մ.)


ա. Ո՞ր աշխարհն (նահանգն) է գունանշված:

բ. Ո՞ր աշխարհն է նրան սահմանակցում արևմուտքում:



23. Տիգրանյան թագով ո՞ր արքայի քանդակն է նկարի ձախ կողմում.

0,5 մ.



24. Աշխատանք պատմական ծաղրանկարի հետ.

1 մ. (2 X 0,5 մ.)

1915 թ. այս ծաղրանկարից կարելի է հասկանալ, որ պարկերված են հակառակորդ պետությունների զինվորներ: Հեղինակը փորձել է ակնարկել, որ նրանցից մեկը շոշափելի առավելություն ուներ մյուսի նկատմամբ:

ա. Ո՞ր պետությունն է խորհրդանշում ձախ կողմում պատկերված նստած զինվորը:

բ. Ո՞ր քաղաքի գրավումն էր գերակշռող կողմը, ի վերջո, տեսնում հեռանկարում:



բ) Համաշխարհային պատմություն (10 միավոր)

1. Քանի՞ հոգուց էր բաղկացած Սոլոնի ստեղծած ժողովրդական ժողովի կողմից ընտրված խորհուրդը (բուլե).
ա/ 300 բ/ 100 գ/ 400 դ/ 50 0,5 մ.
2. Ո՞ր թվայանին է Լյու Բանը իրեն հռչակել կայսր.
ա/ Ք.ա. 204 բ/ Ք.ա. 140 գ/ Ք.ա. 202 դ/ Ք.ա. 200 0,5 մ.
3. 1883-1903 թթ. եվրոպական երկրներում քանի տոկոսով է աճել զինվորների թվաքանակը.
ա/ 15 % բ/ 25 % գ/ 35 % դ/ 45 % 0,5 մ.
4. Քանի՞ նորանկախ երկրներ են հայտնվել աշխարհի քարտեզի վրա 1944-1954 թթ.
ա/ 10 բ/ 15 գ/ 18 դ/ 20 0,5 մ.
5. Քանի՞ երկրների տարածքում են եղել ռազմական գործողություններ Երկրորդ աշխարհամարտում: 0,5 մ.
6. Համապատասխանեցրե՛ք. 1 մ. (4 X 0,25 մ.)

1. Քլոդվիգ
2. Կարլոս Մեծ
3. Հենրիխ I
4. Օտտոն I

ա. 919-936 թթ. բ. 936-973 թթ. գ. 768-814 թթ. դ. 486-511 թթ.

1	2	3	4

7. Տրված տարբերակներից ընտրե՛ք 3 ճիշտ պնդումները: 1,5 մ. (3 X 0,5 մ.)
ա/ Պելոպոնեսյան պատերազմներն ավարտվել են Ք.ա. 402 թ.:
բ/ Ք.ա. 59 թ. Կեսարն ընտրվել է կոնսուլ:
գ/ 1543 թ. Իվանը թագադրվել և ընդունել է ցար (կայսր) տիտղոսը:
դ/ Անտանտի կողմից պատերազմի մեջ են մտել նաև Լատինական Ամերիկայի 20 երկրներ:
ե/ Ֆրանսիայում 1805 թ. դպրոցն անջատվել է եկեղեցուց, իսկ եկեղեցին՝ պետությունից:
զ/ Վերսալյան հաշտությամբ սահմանված 132 մլրդ մարկ գերմանական ռազմատուգանքների 52 %-ը պետք է ստանար Ֆրանսիան:
է/ 1927 թ. Ռեզա խանը մեջլիսի որոշմամբ հռչակվել է Իրանի շահ՝ հիմնելով Փաիլավիների արքայատոհմը:
ը/ 1927-1935 թթ. Չինաստանում տեղի է ունեցել քաղաքացիական պատերազմ գոմինդանականների ու կոմունիստների միջև:
թ/ 1990 թ. Ջորջ Բուշ Ավագը շրջանառության մեջ է դրել «Նոր աշխարհակարգ» հասկացությունը:

1	2	3

8. Թվարկե՛ք՝ 2 մ. (4 X 0,5 մ.)
ա. Երուսաղեմի թագավորությանը ենթակա խաչակրաց պետություններից 2-ը,
բ. Նրանց պաշտպանության համար ստեղծված հոգևոր-ասպետական միաբանություններից 2-ը:
9. Աշխատանք ուրվագծային քարտեզի հետ. 1 մ. (2 X 0,5 մ.)



ա. Ո՞ր պետությունն է ընդհանուր գունանշված:

բ. Ե՞րբ է այն գոյություն ունեցել (ստեղծման և վերացման տարին, ամիսը և ամսաթիվը):

10. Հին աշխարհի ո՞ր նշանավոր գործչի դրամն է պատկերված ստորև.

0,5 մ.



11. Աշխատանք պատմական ծաղրանկարի հետ.

1,5 մ. (3 X 0,5 մ.)



19-րդ դ. սկզբի աշխարհաքաղաքական իրավիճակը ցույց տվող ծաղրանկարում պատկերված գործիչները խորհրդանշում են 2 պետությունների, որոնք բաժանում են աշխարհը միմյանց միջև: Նրանցից աջ կողմում պատկերվածը փորձում է իր կողմը քաշել նոր պատերազմ՝ Եվրոպան:

ա. Ո՞ր պետությունն է խորհրդանշում աջ կողմում պատկերված անձը:

բ. Նշե՛ք այդ պետության ղեկավարի անունը և ազգանունը նշված ժամանակաշրջանում:

գ. Ո՞րն էր նրան ծովում հակազդող երկիրը, որ պատկերված է ձախ կողմի անձի տեսքով:

Հանրապետական օլիմպիադայի
հանձնաժողովի նախագահ՝

ԵՊՀ հայոց պատմության ամբիոնի դոցենտ,
պատմ. գիտ. թեկնածու Մ. Մալխասյան

10.03.2021 թ.